

籌辦夷務始末

籌辦夷務始末卷之三十二

道光二十一年辛丑八月壬午

諭軍機大臣等。倭夷現又肆行滋擾。占據廈門。沿海各省口岸。均應嚴加防守。天津附近京師尤關緊要。著富呢揚阿會同提督胡超。於陝西兵內挑選二千名。分起迅速啟程。前赴天津。其第一起。即著胡超管帶。其餘各起。著該撫揀派。曾經出師之將弁管帶前往。並著申明紀律。毋許沿途滋擾。固原提督印務著恩特亨額派員署理。

欽差大臣兩江總督裕謙奏。竊蒙前奉

諭旨。酌撤江浙兩省防兵。當經欽遵。與余步雲商定。將防守浙江

之江甯駐防旗兵及徐州等標兵共一千九百名陸續撤退。並咨商程喬采陳化成將防守江蘇之安徽撫標等營兵共一千七百名亦先撤回歸任。於七月十六日恭摺覆奏在案。十七日據浙江象山甯海等營縣稟報潭頭山大佛頭等處洋面夷船或一二隻或三四隻忽南忽北遊奕不定等情。竊覈各處報文約略計之似有七隻業已陸續增添情殊叵測。十八日又接准靖逆將軍奕山等咨會內稱逆夷有新到領事囁嚅呈送夷書二件一係知照義律已革領事回國伊即接辦領事一要善定章程照去年七月在天津呈訴各條辦理如廣東不能承當即分船

北上再求宰相商議等語。並有七月初一二即行啟破之信。該將軍等已委首府余保純前赴開導。而夷性犬羊。難保聽從。不往飛咨嚴防等因。竊查得步進步。本是逆夷故智。嘖嘖嗟之有無其人。義律之曾否撤回。雖不可信。而反覆情形。業已顯露。浙江省及江蘇之松太二屬洋面。海島林立。商漁絡繹。內有甯波。上海為洋泊聚集馬頭。外有定海。崇明為翼蔽口岸。控制海島之地。且江蘇之吳淞口一帶。平行散漫。全恃海塘設守。並無要隘可扼。與山東直隸奉天等省情形迥不相同。現在粵省逆夷之反覆。已形諸筆墨。浙洋逆船之遊奕。又復有增添。竊本不敢因奏明撤

防在先。稍事拘泥。致滋貽誤。而察看兵情踴躍。又皆以戍守年餘。未得殺賊立功為恨。所有浙江省防兵。除業已起程之江甯駐防八旗官兵三百名。毋庸截回外。其餘各路官兵。應請暫緩起程。並飛咨程喬采。陳化成。查明前撤各兵。如有已經起程者。亦不必截回。其未起身者。一概緩撤。仍確探廣東情形。並體察浙江夷船增減。俟過八月十八日海潮盛漲之期。再行酌量。請

旨遵行。才仍會同劉韻珂。程喬采。余步雲。陳化成。督率鎮將。激勵兵民。靜以待動。斷不任稍涉張皇。亦不任稍形疏懈。堅持定見。俟其駛進口岸。聚而殲之。以副

委任。

諭軍機大臣等。前因夷船突至福建。廈門失守。當經降旨飭令沿海各督撫嚴加防範矣。茲據裕謙奏浙江洋面夷船續有增添。請將各路官兵暫緩起程等語。所奏甚是。逆夷在閩省滋事。情形兇狠。深堪痛恨。浙江與閩省毗連。兵力不可單弱。所有前撤各兵未啟程者。著一概緩撤。其已經啟程者。亦著概行截回。以資防禦。如再不敷。即著該大臣酌量情形。於所轄江西安徽二省兵內。一面飛調。一面奏聞。毋稍遲緩。萬一夷船駛至。該大臣即督飭鎮將。激勵兵民。同心敵愾。雖據奏兵情踴躍。皆以未得立功為恨。然不可存輕敵之心。總須謀勇兼備。方為節制之師。

該大臣身膺重任。其加意慎勉。以副朕望。至江蘇吳淞口一帶地勢平衍。並無要隘。可扼尤宜妥為布置。無稍疏虞。是為至要。

癸未。直隸總督訥爾經額奏。竊臣於七月二十九日辰刻。承准軍機大臣字寄。道光二十一年七月二十八日奉

上諭。本日據顧伯燾等由驛馳奏。倭夷兵船。突至福建廈門失守。退保同安各情形。逆夷貪得無厭。肆其猖狂。殊堪痛恨。現已占據廈門。難保不乘風北駛。擾及沿海各省。天津附近京師尤關緊要。前經降旨。著該督嚴密防範。諒已各口均有準備。如有應添防兵。著酌量情形。一面奏聞。一面飛調。現在已調吉林兵一千名。前赴盛京。交耆英派撥防守。又調黑龍江兵一千名。暫留

盛京。如直隸兵力較單。即可調撥應用。訥爾經額著即馳赴天津。相機籌辦。至逆夷習於水戰。向來議者。以彼登陸後。即無能為患。乃今占據廈門。逆謀仍然兇惡。是陸路亦能用兵。不可不加防備。萬一夷船駛至。不可迎面攻擊。或於要口設伏。或兩路夾攻。方能取勝。所有北塘一帶。及各處沿海居民。務須剴切曉諭。夷人初到。始以購買食物為辭。繼且搶掠姦污。無所不至。莫如各自團練。保護身家。眾志成城。自然勇氣百倍。切勿受其誑騙。以至身家受害。或另有良策。保衛鄉民。必須籌度萬全。是為至要。顏伯熹原摺著鈔給閱看。欽此。臣跪讀。

上諭。仰見

皇上先機指示。慎重周詳。曷勝欽服。臣查大沽至山海關沿海一帶地方。先共留兵三千三百名。前又於臣標內密派兵丁五百名。赴大沽備防。現已陸續到津。計共三千八百名。此時酌量情形。所有前次裁撤歸伍之各營兵丁。仍應量為酌調。方可以資守禦。惟各營分距海口。遠近不一。茲就其稍近者酌調。臣標兵五百名。天津鎮標兵一千名。正定鎮標兵一千名。均歸於天津。大沽南北兩岸。及甯河北塘暨豐潤黑沿子等處。分撥防守。又酌調提標兵一千三百名。以四百名。派赴山海關。以九百名。分撥灤州。樂亭。昌黎。撫甯等四州縣海口。協防統計沿海一帶。前存後調。共兵七

千六百名。兵力已不為單。惟山海關係屬要隘。所派防兵一千二百名。以之防海。可敷應用。以之防陸。尚覺稍單。應遵

旨將飭備之黑龍江官兵一千名。即行調赴山海關。以備該夷登陸。上下策應。查永平一帶海口。均係通永道所屬。現在山海關既有多兵。設立糧臺。必須大員經理彈壓。現已飛檄通永道高樹勳。前往照料一切。並督飭各地方官。認真團練。嚴密協防。其北塘地方。現派保定府同知張起鵠。東路同知何耿繩。隨同宣化鎮總兵石生玉。防範照料。至於要口設伏。兩路夾攻。以及陸路防堵。臣前於制勝八條內奏

明後隨時備辦。現在俱已停妥。臣於拜摺後。即日啟程。馳赴天津海口籌辦。

諭軍機大臣等。昨已降旨。令富呢揚阿挑選陝西兵二千名。並派胡超管帶。迅赴天津。以備調遣矣。本日據訥爾經額奏。馳赴天津籌辦海防一摺。覽奏均悉。所有沿海一帶。前後共已調存兵七千六百名。兵力不為單薄。山海關設立糧臺。著准其飭令高樹勳前往經理彈壓。並著令其督飭各地方官。認真團練。嚴密協防。至北塘地方。現已派員防範照料。各處要口。設伏夾攻。亦已妥為籌備。均著照所議辦理。該督現已馳往天津。務將一切防勦機宜。豫為籌辦。一有夷船進口。即行奮力攻擊。大加懲創。

以視夷魄而靖海疆。

甲申福建巡撫劉鴻翔奏竊暎逆犯順自上年六月到廈門滋擾以來閩省各海口處處設防以備攻剿所需經費節經先後奏蒙

恩准飭撥銀一百五十萬兩解閩應用茲該逆大肆凶悖攻占廈門經臣會同將軍臣保昌副都統臣額勒錦由驛馳奏在案伏念臣本年四月初六到任後查廈門臺灣澎湖及沿海各府縣計自上年六月起至臣到任之日止已陸續支給經費銀六七十萬兩嗣督臣顏伯燾駐廈督辦鑄鐵造船添兵募勇各海口一律嚴防又經陸續支發二十餘萬

兩。今廈門倏被逆夷占據。沿海震動。省垣為根本重地。亟宜加倍防守。查城外十里為南臺。舖戶稠密。接連省垣。南臺以下。沿河兩岸。各有村莊。省河外為五虎門。至省百餘里。港面多係寬深。又有支港可通。恐該逆船順風乘潮而至。不可不豫為嚴堵。臣現飭司道等親往查勘。擇其略窄港面。用船石暫為攔堵。使不得進。儻該逆舍船登岸。惟有鼓勵將弁。督率兵勇。設伏截殺。以期痛勦。除前已奏調延建邵兵二千名外。尚須多募民勇。以助兵力。且廈門為漳泉門戶。廈門既失。漳泉二府邊海各廳縣。港道處處可通。他如省南之興化府屬。省東之福甯府屬。口岸林立。此外

海壇金門。銅山。南日。南澳。各島。皆在海中。均應添募兵勇。以備防勦。又自廈退回難民。急應妥為撫卹。現在米價驟昂。兵精民食。尤關緊要。據各該府縣紛紛請領經費。均屬勢所必需。現在存銀六十餘萬兩。分別酌給。已屬不敷。並准督臣來函。必須招募泉漳壯勇二三萬名。相機進剿。以期克復。所有一切應行整辦。及續行支發之款。需費甚多。均應寬為豫備。設有不給。所關匪輕。合無仰懇

天恩。敕部再撥銀三百萬兩。迅速解閩應用。刻下需餉甚急。如部撥一時未能解到。即飭藩司暫於存庫各款內。先為墊應。俟部項解到歸補。

劉鴻翔又奏。再逆夷占據廈門。駛船遊奕各澳。恐嚇勾誘。欲圖四出滋擾。急需調集大兵。為堵禦恢復之計。惟閩省海口林立。均經分兵防守。無可再調。沿海省分。亦均防堵喫緊。至外省之兵。人地素不相習。望洋氣阻。難之冰。豈不服易生疾病。多調徒滋糜費。閩省泉漳民氣剛強。素習武藝。尚屬可用。現經督臣函商。飛飭各府州縣。廣為招募。作為民兵。優給口糧。重懸賞格。協同堵禦。相機進剿。較之遠省調遣。可期迅速得力。

硃批。所見近理。要在駕馭何如耳。

諭軍機大臣等。劉鴻翔奏堵禦軍需銀兩一摺。又另片奏招募民

人相機進勦等語。省城南臺以下沿河村莊。自五虎門至省港面多係寬深。又有支港可通。恐該夷乘潮駛入。該撫現飭司道等查勘。多用船石攔堵。總期得力。毋稍疏虞。廈門逃回難民。著妥為撫卹。至泉漳民人。素習武藝。現在該督等擬招募壯勇二萬名。所見近理。著即廣為招募。以資攻勦。惟該水勇等素性强悍。要在駕馭得宜。既以恩信激其天良。復以嚴明消其跋扈。寬猛相濟。始克奏功。顏伯燾現守同安。即當一面整備礮火器械。一面招募民兵。戮力同心。奮勇勦擊。以期克復廈門。顏伯燾失守之罪。或可稍從末減。若再有貽誤。自問當得何罪。所需銀三百萬兩。著戶部速議具奏。並准其暫於藩庫各款內先為墊

應俟部項解到歸補

劉鴻翔又奏。再前因逆夷不靖。閩省火藥未能充裕。先經前督撫臣奏明借撥江西湖南湖北等省硝磺火藥。解閩接濟。業已陸續分撥領用。現在存貯無多。茲逆夷膽敢駕駛多船。竄至閩洋。大肆猖獗。廈門業已失守。所有硝磺一項。為行軍第一要需。更應寬為籌備。應請在於出產硝磺之山東河南二省。各撥硝二十萬斤。磺四萬斤。湖南湖北安徽江西四省。各撥硝十萬斤。磺二萬斤。即日馳解來閩。以應急需。其山東河南二省。現存硝磺。若不敷撥解。即將採辦部硝。併各省委員辦就硝磺。先行截撥解閩應用。

諭軍機大臣等。本日據劉鴻翔奏。逆夷滋擾廈門。硝磺一項。為行軍要需。請於湖南湖北。安徽江西四省。各撥硝十萬斤。磺二萬斤。即日馳解來閩。以應急需等語。著裕泰程霖采吳文鎔吳其濟。如數籌撥。迅速委員馳解福建。毋稍遲誤。

又

諭本日據劉鴻翔奏。逆夷滋擾廈門。硝磺一項。為行軍要需。請於山東河南二省。各撥硝二十萬斤。磺四萬斤。解閩。以應急需。並稱該撫已飛咨該二省。趕緊籌撥等語。此項硝磺。已降旨。在湖南湖北安徽江西等省。籌撥。毋庸在山東河南撥給。將此諭令。托渾布牛鑑知之。

乙酉。

諭軍機大臣等前據顏伯燾等奏夷船駛入閩洋。廈門失守。已降旨令該督等設法克復矣。前因逆夷占據香港。有旨令將軍等相機收復。現在該逆滋擾福建。粵洋夷船自必減少。若乘其勢分力弱之時。督率兵勇。痛加勦洗。使彼首尾不能相顧。但須謀定後動。計出萬全。固不可坐失事機。尤不可再有挫失。且該逆前踞定海。經琦善議給香港。始將定海退還。現在琦善伊里布均獲重譴。此次該逆既占香港。又復攻擊廈門。難保不致智復萌。又思更換。以售其誑騙愚弄之計。奕山齊慎。朕特簡祁項怡良。均有地方之責。著即體察情形。乘機進剿。如能設法攻復。

香港則從前辦理不善。尚可少贖罪戾。若狃於前議。觀望遷延。又墮逆夷更換詭計。則覆轍具在。不能輕恕也。慄之勉之。

丁亥。

諭軍機大臣等。前據劉鴻翔請撥軍需銀三百萬兩。當交戶部議。本日已據該部酌撥浙江等省各項銀兩。飛咨各該省委員起解矣。現因閩省軍務緊要。不惜帑金。如數撥解。著顏伯燾劉鴻翔覈實支放。毋任管局各員稍涉浮冒。該逆前在廣東奕山等倉猝許給商欠銀兩。竟至飽其所欲。以致滋擾無厭。此次該夷又復占據廈門。難保不復萌故智。顏伯燾業已深知廣東辦理不善。儻該逆再有要求。或因急圖繳還廈門。又墮

說計。致失國體。並貽後患。是既失地於前。又復遷就了事。罪在不赦矣。慄之慎之。

山東巡撫托渾布奏。查東省沿海防兵。先於六月間奉

旨酌量裁撤。經臣將省西調往各兵。奏明間日分起撤回。除陸續

歸伍外。尚有臣標左右兩營。及青州。萊州。壽樂等五營官

兵七百五十名。未經啟程。當即飭令暫留候示。一面咨行

鎮道。督率將弁嚴密防堵。正在繕摺具奏間。承准軍機大

臣字寄奉

上諭。據顏伯燾等由驛馳奏。廈門失守情形。逆夷貪得無厭。肆行猖狂。殊堪痛恨。現已占據廈門。難保不乘風北駛。擾及沿海各

省。山東各海口。港汊紛歧。前經降旨著托渾布嚴密防範。諒已早為準備。如兵力不敷。准其酌量調撥。該撫務須妥為布置。無稍疏虞。至逆夷習於水戰。向來議者。皆以彼登陸後。即無能為患。乃今占據廈門。逆燄仍然兇惡。是陸路亦不可不加嚴備。著托渾布相度機宜。或須親赴海口防堵。即著迅速前往。如有夷船駛至。觀面難以取勝。或須設伏夾攻。出其不意。著該撫悉心籌畫等因。欽此。伏思東省沿海口岸。亟宜厚集兵力。以備攻剿。查登州鎮本轄弁兵。及前經截留五營官兵。雖尚有一千四五百名。究恐不敷分防。即一切相度機宜。及陸路應豫為布置之處。亦非臣親往督辦。不能得力。查前次撤回之

東昌臨清高唐泰安濟南等營兵七百名。距省尚近。臣已分檄調回。並於臣標左右兩營內。添調兵一百名。遴委副參大員。分起管帶兼程前進。臣亦即於一二日內馳赴登郡督防。

托渾布又奏。再東省海豐縣與直隸鹽山縣交界。前派武定營官兵駐紮該處。嗣於六月間撤令歸伍。現准靖逆將軍奕山等來咨。逆夷在粵聲言仍赴天津伸訴。該處既與直隸接壤。自應加意防範。臣仍撥武定營官兵。並責成該府縣團聚鄉勇。照前協力防守。務使與直隸聲勢聯絡。以杜夷匪竄逸。其文登營官兵駐防榮成縣海口。前因離汎

較近。已令歸伍。現亦仍令移駐榮成縣。以壯聲勢。

諭軍機大臣等。據托渾布奏。帶兵親赴登州督防一摺。現在暎逆突陷廈門。猖獗已甚。如果乘風北駛。必應厚集兵力。痛加剿洗。登州海口留防各兵。雖有一千四五百名。尚覺單薄。所有前次撤回之東昌臨清高唐泰安濟甯等營兵七百名。及應行添調兵一百名。即著迅速檄調。該撫即親赴海口。相度機宜。分兵嚴守。其陸路應豫為布置之處。亦著妥密籌辦。毋稍疏虞。又另片奏。海豐縣與直隸接壤。現撥武定營官兵。並責成該府縣團聚鄉勇。協力防守。其又登營官兵。仍令移駐榮成縣之處。均著照所議辦理。

浙江巡撫劉韻珂奏。竊臣於本年七月十六日。接准靖逆將軍奕山來咨。以啖咕喇新到領事。嘯噪喧。有分船北上之信。十九日。又准來咨。嘯噪喧。於七月初三日。由澳門起碇。赴福建廈門等因。當經臣先後咨行沿海文武。加意防範在案。茲於七月二十二日。復准福建撫臣劉鴻翱。六百里咨稱。啖咕喇夷船三十餘隻。竄至廈門之大擔洋面。滋擾。十四日。廈門失守等因。接閱之下。不勝髮指。伏查閩浙地屬連疆。廈門更為密邇。浙省自閏三月以來。甯海象山等縣外洋。時有夷船二三隻。往來遊奕。至七月中旬。復增添二三隻。誠恐別懷詭計。今大幫夷船。又聚於廈門。更恐

分擾浙省各海口。必須嚴密防守。以期有備無患。且浙省人不知兵。自上年該逆滋事以後。民間咸有戒心。嗣後分設防兵。節節守衛。並經

欽差大臣裕謙。及臣劉坤一。曉諭方臻妥貼。惟風氣猶屬柔弱。今該逆近踞鄰疆。沿海黎庶。未免復生惶惑。而省垣五方雜處。更易驚疑。即使夷船不復闖入。亦應從嚴守衛。鎮定閭閻。前奉

諭旨。飭將調防官兵。酌量裁撤。業經裕謙會商提臣余步雲。擬將江甯駐防旗兵三百名。徐州兵六百名。壽春兵六百名。紹興。湖州兵四百名。分起撤退。內江甯旗兵。業經起程過省。

未便再事截留。其餘均未起程。應仍暫行留防。以安人心。而資堵剿。至浙省海口數十處。內甯波。乍浦。向為商賈聚集之區。該夷素所覬覦。又海甯州之尖山一口。東通乍浦。西達省城。實為通省扼要之區。去秋曾有該逆杉板船。駛至其地。難保不生心窺伺。現在裕謙統率重兵。駐紮鎮海。所有甯波一帶口岸。可以兼顧。至乍浦。尖山。離鎮海較遠。且該二處防兵單弱。而尖山兵數尤單。又其口門寬廣。形勢實為險要。今逆夷近擾閩洋。亟應從嚴防護。兼著鹽運使杭嘉湖道宋國經。前經臣委令駐防乍浦。六月間因辦理賑務。暫行回省。茲飭該道兼程赴乍。會同調防之湖州

協副將陳述祖等督率兵勇。實力防守。其尖山離省咫尺。即由臣就近督防。以衛根本。第浙省各營。現無可調之兵。而該處巨浸汪洋。潮汐洶湧。亦無可設之險。臣輟轉思維。惟有多雇壯勇。豫備陸戰。庶以我所長。攻彼所短。可期制勝。臣前在鎮海時。已委員前赴尖山一帶。密雇壯勇五百名。分頭埋伏。茲又飭令該州。再行添雇。復曉諭紳耆。趕緊團練。並於省城一體雇募。其下浦及此外沿海要口。設兵較少之處。亦飭寬為雇備。無事則用以巡防。有警則率以攻戰。庶幾緩急足恃。

諭軍機大臣等前因倭逆突至福建。廈門失守。已降旨令沿海各

省督撫嚴加防範矣。茲據劉韻珂奏稱浙洋現在亦添有逆船。請將調防官兵暫緩撤退。著照所議辦理。裕謙現在駐紮鎮海。於相離較遠之地。一時自難兼顧。所有乍浦海口。即著飭令杭嘉湖道宋國經會同湖州協副將陳述裱督率兵勇實力防守。並著奇明保劉韻珂長喜一體妥為防禦。其尖山離省咫尺。即著該撫就近督防。以衛根本。至所稱多雇壯勇。豫備陸戰。此次廈門之役。該夷竟敢登岸。奪據礮臺。復有偽稱陸路提督名目。是該夷不止利於水戰。現經該撫飭屬添雇壯勇。並曉諭紳耆。趕緊團練。以資攻戰。尚恐少不濟事。著該撫廣為招募。務於沿海要口。足資防守。而於登陸各處。尤須酌量要隘。分頭設伏。庶

可以我所長。攻彼所短。以壯軍聲。而褫夷膽。

戊子。靖逆將軍奕山。參贊大臣齊慎。兩廣總督祁項。廣東巡撫怡良。奏。竊暎夷分船北駛。牙等已於初七日馳奏在案。又據香山新安等處稟稱。義律於初七日乘坐兵船。駛出老萬山。向南開行。探無下落。又稟稱。香港洋面。尚有夷兵船十餘隻。火輪船二隻。停泊裙帶路。尖沙嘴。遊奕不定。續又到五十門礮大兵船一隻等語。牙等查暎夷屢次求為代懇馬頭。牙等拒絕不准。又不聽開導。分船北上。名為自行呈訴。而反覆貪狡。已可概見。香港一帶。漢奸聚而未散。以夷船為護符。借以走私。而粵省自省。河失防之後。礮

械船隻皆為焚毀。所餘水師巡船僅可哨探。不能抵禦。況尖沙背路通九龍。毗連內地。新安一帶。陸兵單弱。水陸兩路均為喫緊。才等與水師提臣吳建勳商造戰船式樣。尚未完工。若於此時收復香港。恐致四面受敵。應援無具。且各省官兵不服水土。加以痢疫。困乏日形。不若撤兵募勇。蓋粵東善後。非倉促可以集事。而夷性桀驁。宜隨時設備。無論客兵不可久居。儻我集彼散。我散彼集。不但財力耗於無用。而事機亦必生失。是以才等先經揀派紳士余廷槐。黃培芳等。分路前往四鄉。鼓勵士民。抽丁團練。隨又委高廉道易中孚。及候補道西拉本前往覆查。茲據該道等

回省稟稱南海番禺兩縣各鄉社逐村查驗已練有三萬
六千餘名按名點看俱年力精壯器械整齊分隊操演尚
屬勇健並據紳耆等口稱三百年仰沐

朝廷深仁厚澤決髓淪肌當此海疆不靖無不願效前驅以
報

聖主察其情詞實出義憤各鄉各有章程如若調用再行發給口
糧當即分賞銀牌銀兩無不歡呼踴躍等語查粵省良民
自遭夷匪焚掠人人切齒比戶同仇於斯可見況沿海中
路當賊之衝香山新安新會東莞等縣自去年以來深賴
官民互衛一律勸勉如果民心既固何患不眾志成城

等又恐小民勇於保家。憚於征調。窮鄉僻壤。呼喚不靈。現
擬一面撤兵。一面募勇。挑選技藝嫻習。熟識水性者。分為
水陸二隊。分給礮火刀矛。雇覓拖風快蟹等船。派委員弁
管束。認真訓練。無事則護修礮臺礮位。以壯聲威。有事則
分以禦敵。再將各鄉團練丁壯。分為三成。一成守村。一成
守隘。一成赴援。互為表裏。截其歸路。斷其接濟。繼以火攻。
可期得手。以調兵之費。為招練戰勇之費。一轉移間。可以
經久。況貧民輸餉。富民輸餉。取於下而不損。益於上而無
窮。為今之計。莫善於此。所有各省官兵。除酌留精銳外。仍
照原奏分撤。再現在招練義勇。大礮之外。擡礮尤為利器。

粵省正當防禦喫緊之時。恐趕造不能足用。擬將凱撤各營之擡礮。擇其堅固者。留粵備用。容彙清數目。估給價值。回營另造。在各兵既免攜帶之勞。而粵勇可藉資抵禦之助。

諭軍機大臣等。據奕山等奏。分鄉團練撤兵募勇一摺。據稱香港洋面。尚有逆夷船隻。戰船造未完工。客兵不可久居。現擬撤兵募勇。分鄉團練等語。逆夷反覆無常。必應隨時設備。該省現練有水陸義勇三萬六千餘名。並將各鄉丁壯。分成團練。此項練勇。俱係民兵。祁項。怡良。有守土之責。著會同奕山等。和衷共濟。派委員弁管束。認真訓練。加以激勸。俾收實效。所有前調各省

官兵著仍遵前旨分撤。其各營所帶糧礮著准擇其堅固者留粵備用。至香港地方。昨有旨令奕山等乘機攻復。現在招練戰勇。願效前驅。正可一鼓作氣。設法進剿。該將軍等務宜妥速籌辦。慎勿再失機宜。致干重咎。

欽差大臣兩江總督裕謙奏竊。前因粵省夷情反覆。請將江浙兩省撥撤防兵。暫緩起程。於七月二十日恭摺具奏在案。旋於二十一二等日。先後接准靖逆將軍奕山等咨會。夷船已於初三日起碇。前赴廈門。又接閩浙督臣顏伯燾傳知。該逆船已於七月初九日。闖入大擔門。又准福建撫臣劉鴻翱咨會。廈門業已失守。兩日之間。警報疊來。該逆驕

盈至此。難保其不乘勢北竄。當即飛飭江浙兩省調防鎮將鎮靜嚴防。並密諭兵民。現在閩浙督臣顏伯燾退守同安。調兵收復。該逆儻敢傾巢而來。則閩省搗其後。浙省截其前。進退失據。正是該逆罪惡貫盈。自取殲滅之候。不得稍事驚惶。惟廈門為閩廣商船聚集之區。猝被占據。誠恐劫奪貨船。潛載漢奸。混入口岸。乘間滋擾。不可不防。才已飛咨江浙撫臣提臣。並飭鎮海甯海吳淞等營縣。凡有閩廣商船。止准出口。不准進口。其已經進口停泊之船。委員清查。牌照相符。有行家結保者。任其安分貿易。不准擾累。如有行跡可疑之人。即行拏辦。又會同浙江提臣余步雲

嚴申軍令。誓之於眾。如遇夷船駛近口岸。務各按照派防地。按連環轟擊。痛加勦洗。不准移動寸步。業經部署妥協。連日接據各處稟報。浙洋夷船忽隱忽見。日漸增多。現在鎮海定海交界之青龍港等處洋面。有夷船五隻。火輪船一隻。甯海縣大佛頭洋面。有夷船三隻。雖未見其動靜。而火輪船係該逆兵船之耳目。其情叵測。洋面船隻。又可瞬息千里。難以逆料。茅惟有會同余步雲督飭鎮將。嚴兵以待。並多備火攻探報船隻。以為策應定海之計。

諭軍機大臣等。本日據裕謙馳奏浙洋夷船日增。情形叵測。一摺。據奏鎮海定海交界之青龍港洋面。有夷船五隻。火輪船一隻。

甯海縣大佛頭洋面。有夷船三隻等語。前因逆夷滋擾廈門。有旨令裕謙等密加防範。水陸交嚴。由六百里寄知。計此時當已接奉。現在浙洋既有夷船遊奕。即著該大臣督飭鎮將。嚴密防堵。相機勦辦。務使大加懲創。不可令其稍有得手。是為至要。其江蘇洋面。有無夷船蹤跡。著即飛咨梁章鉅查探明確。據實具奏。

又

諭據裕謙奏。浙江洋面青龍港大佛頭等處。報有夷船八隻。又火輪船一隻。已諭知裕謙嚴密防堵矣。浙洋既有夷船遊奕。盛京直隸山東等省沿海地方。難保不分頭北馳。著著著著。諭爾經額。

托渾布督飭各屬勤加偵探。遇有夷船駛進口岸。一面奏聞。一面相機勦辦。毋稍疏虞。

閩浙總督顏伯燾奏。竊照廈門突被倭夷船隻闖入。業將大概情形於七月十二日由驛馳奏在案。查廈門地方袤長三十餘里。四面環海。東南一帶最為殷盛。民居市肆。逼近水濱。是以不能不在海邊安礮。以資抵禦。初十日經逆夷搶上馬頭。官兵俱無立足之地。致被占前面近海口岸。其中後兩路自溪岸汛迤北而西。大小一百三十餘鄉。經臣於退守同安時。飭令興泉永道劉耀椿率同廈防同知顧教忠等。諭令各鄉。連夜聯絡團練。是以逆夷未能越占。

當即趕至同安督飭營縣安兵募勇。傳同在事文武及紳耆人等再四籌商。泉州郡城須安大營。並設糧臺。分調陸路弁兵。以備策應。惟本省各處設防。除現調之兵。實已無可再調。若調外省之兵。路途遙遠。迫不及待。且往返一切所費不貲。更多騷擾。權宜之法。祇可令紳士等就近懸立重賞。各招敢戰之士。募為新兵。多則萬餘人。少亦五千人。帶領之人。即責成招募之紳士。先分別給以軍功頂帶。派令現任武職。協同管帶操演。刻下應募者已有三千餘人。似尚易於集事。廈門一島。雖止被占口岸。而鄉間僅可暫設行營水師提督。應即於同安駐紮。其陸路參將之在

同安者。暫歸該提。臣統轄。以資得力。現據興泉永道劉耀椿來稟。遵臣指撥機宜。督同廈防同知顧教。忠於廈門各鄉。勸諭各該紳耆。動以大義。許以優資。無不人人思奮。志切同仇。率其子弟。願聽調遣。又經該道稟委該同知顧教。忠著興化通判候補知縣史密。馬巷通判俞益。著馬巷通判劉銘本。於馬巷一帶。團練得義勇一萬數千餘人。內應外援。均已布置周妥。一俟各鄉團練已成。新兵招募已足。臣即督令迅速兩路進攻。以期滅此朝食。伏念事機萬緊。費用之繁。非平時可比。以臣獲罪之餘。尚何顏面議論

國事。惟臣受

恩深重。不敢以獲罪置身事外。用敢殫竭血誠。直陳

聖主之前。請即

敕部籌撥銀三百萬兩。迅解來閩。以應軍需。是為切要。再查金門
鎮江。艦艙。在水操臺督率開礮攻擊。因夷兵上岸。該鎮持
刀追逐。落水身死。准升遊擊。現護延平協副將凌志。因夷
兵搶上礮臺。該將持刀殺逐。旋有夷眾一擁上前。該將身
受重傷。奮勇力拒。遂被割首剖腹。汀州守備署漢口都司
王世俊。與凌志皆在礮臺力戰。亦遭慘害。又陸路提標左
營遊擊那丹珠。在礮臺抵禦。被夷礮擊穿左腿。水師營遊
擊楊靖江。在鼓浪嶼身面均受重傷。猶復率兵擊沈兵船。

三隻三板逆夷擁眾搶上該遊擊又連次殺退一夷賊繞至該遊擊身後用刀砍倒當時暈絕各經兵勇搶回現在養傷未斃又水師把總紀國慶楊肇基李啟明均各被礮身死其餘兵丁尚多傷亡現飭確查再行陳奏水師提臣竇振彪七月十四日在海壇所轄洋面聞信南風正盛不敢戲駛即由福清縣地方起早前來與臣面議一切即會同該道劉耀椿相機行事

顏伯燾又奏再臣在同安布置稍定因接據探報泉州府城之永發等處海口有夷船多隻遊駛並有火輪船駛入採水該府係下南重地東南兩面海口至三十四處之多

防堵更為緊要。臣聞報即馳赴泉郡。據該府沈汝瀚面稟。已聯絡海口村莊百餘。並因素無蓋藏。籌儲臺米。民心稍定。臣督飭府縣。傳集紳民。雇募義勇。一面與提臣普陀保相度各海口形勢相距洋面。夷礮所不能及處。分兵設伏。以資堵禦。

諭軍機大臣等。本日據顏伯燾馳奏。現在籌辦情形一摺。據奏泉州郡城須安大營。並設糧臺。現在懸立重賞。招募新兵。刻下應募已有三千餘人。其廈門各鄉亦經該道劉耀椿飭屬團練義勇一萬數千餘人。內應外援。布置周妥等語。覽奏均悉。所請籌撥銀三百萬兩。昨已有旨如數撥解。由六百里寄知該督現駐

泉州著即會同普院保寶振彪妥籌熟商。一俟應募新兵足資調遣。即行兩路進攻。一鼓破敵。乘此逆夷甫經占踞。各鄉人心思奮之時。及鋒而用。滅此朝食。兵貴神速。無使滋蔓。其陣亡之金門鎮總兵江繼芳。准升福建遊擊。凌志汀州守備王世俊。水師把總紀國慶。楊肇基。李啟明。均著該部照例賜卹。被傷遊擊那丹珠。楊靖。汪及其餘傷亡兵丁。仍著確切查明具奏。將此諭知顏伯壽。寶振彪。普院保知之。

己丑。

諭軍機大臣等。前有旨。豫派吉林黑龍江官兵各一千名。赴盛京候撥。所有此項官兵應用馬匹。著耆英即傳知錦州副都統祁

俊將大凌河驕馬迅速先期多為挑備母致臨時遲誤

直隸總督訥爾經額奏竊臣前奉

諭旨。敕赴天津籌備防守。遵即奏明起程。後旋於行次。承准軍機大臣字寄。道光二十一年七月二十九日。奉

上諭。該夷兇很異常。著訥爾經額嚴加堵禦等因。欽此。又奉廷寄。道光二十一年八月初二日。奉

上諭。昨已降旨。令富呢揚阿。挑選陝西兵等因。欽此。茲臣於八月初三日。馳抵海口。

欽派大臣玉明。亦於初四日辰刻到此。仰蒙

皇上傳諭一切。

聖慮周詳。臣跪聆之下。莫名欽服。當即遵

旨。傳集總兵以下官員。面告

訓示機宜。應如何設兵應接。如何設伏兜剿。悉心籌酌。商榷咸謂。倭夷既有偽稱陸路提督名目。是陸路防守應接。尤為緊要。必須厚集兵力。層層設伏。庶幾可戰可守。現在沿海一帶。統計前存後調之兵。共七千六百名。今又奉

旨。敕調陝西兵二千名。兵力實已不單。第陸路之防。寬於水路。此時無論大小海口。及但凡可以登岸喫緊之處。皆須酌量添兵。竊計陝西之兵。到防尚須時日。該逆來去固無定時。惟刻下天氣尚不甚寒。且時有南風。防守尤為喫重。臣已

添調大名鎮標兵八百名。宣化鎮標兵八百名。三屯協兵四百名。計月半前均可到齊。即可及早分布防守。候陝西兵到時。再行察看情形。酌量裁撤。一轉移間。可期應手。其山海關地方。前已遵

旨行調黑龍江兵一千名協防。並轉飭地方官豫備車輛。不致遲誤。俟兵到之日。應如何分撥聽候。

欽差都統哈琅阿到彼調度。至帶兵將領。現有副將善祿。向榮。興泰。勝魁。台斐。音泰。五員。參遊十餘員。都守十餘員。俱係本標將領。管帶本標兵弁。兵識將意。將知士心。呼應較靈。此時可敷調遣。似不必另為添調。又海口舊設礮位。及新鑄

大礮皆係按期演試。昨與臣玉明看演連環礮位。兵弁等俱能得心應手。臣於初七日仍會同玉明前赴北塘觀看情形。演放礮位。再回大沽駐守。伏思喚夷若至。現在兵力既厚。正利其上岸。我兵方有見長之地。所有大沽礮臺左右。暨後路一帶均已層層設伏。互相策應。共豫備擡槍三百餘桿。鳥槍二千餘桿。刀矛藤牌鈎竿火箭火彈等項器具亦俱備齊。即喚夷蜂擁而來。在船則用多礮連攻。在岸則用多槍排打。靜以制之。整以擊之。斷不至容其得手。甯河北塘設防情形與此間大畧相同。有無慮行變通之處。容臣明日到彼。再行斟酌覈定。其豐潤黑沿子海口。至撫

甯一帶海口道路綿長。現已量為添兵。嚴飭各地方官。剴切勸諭附近百姓。凡其可以登陸之處。同心協力。再行添挖陷坑。相機設伏。務使該夷上岸。處處遇陷。俾兵勇攻擊得力。仍令間四五里設一窩鋪。分置兵勇。隨處瞭望。一有夷船進口登岸。連接鳴鑼傳號。可使一時遠近皆知。聯絡攻打。互為應援。並逐處添委文武員弁。會同防範。再奸夷說計環生。或以天津非其往來熟習之地。內無漢奸接應。或挈帶閩粵漢奸。巧作客商僧道之流。於沿海偏僻村莊。散處藏匿。窺伺虛實。猝集要隘。以為內應。亦不可不防。臣已密飭各該地方官。派委幹役。四出密查。如有形跡可疑。

之人。即行盤詰究辦。以防隱患。

硃批覽。卿奏一切防守。均屬妥密。朕心稍慰。該逆不犯則已。設若
承突而來。料卿必然揚國威而殲醜類。仁膺懋賞。勉之慎之。

諭軍機大臣等。本日據訥爾經額奏。豫籌防堵情形一摺。據奏天
津海口。添調大名鎮兵八百名。宣化鎮兵八百名。三屯協兵四
百名。先行分布防守。俟陝西兵到。察看酌撤。山海關道調黑龍
江兵一千名協防。並將新舊各礮。按期演試。各處層層設伏。互
相策應。其豐潤一帶海口。添挖陷坑。分置兵勇。隨處瞭望。及嚴
防漢奸內應等情。所議尚屬周妥。即著照議辦理。惟所調黑龍
江兵一千名。一時未能即到。山海關兵力尚單。恐其不敷調遣。

著訥爾經額體察情形。如有應調官兵先行分布防守之處。一面奏聞。一面派撥。毋誤事機。

庚寅。山海關副都統富勒敦奏。竊據直隸總督訥爾經額知會。欽奉。

上諭。據顏伯燾馳奏。倭夷兵船突至。廈門失守。逆夷貪得無厭。難保不乘風北駛。擾及沿海各省。不可不加防備等因。欽此。查山海關乃

畿東要區。近臨大海。而老龍頭海口寬大。形勢扼要。僅止去城八里。不可不豫為設備。等語。選備官二員。烏槍礮兵一百名。並札調所屬喜峯口冷口官四員。烏槍兵一百名。俟該

二處兵丁到日。揀委記名副將左司協領塔清。審刻即統領官兵赴防。其餘兵丁七百名。除分布長邊一帶。南北水關四門四堆。以及關門九門。鎮城缺口。並各項差使。約需兵五百餘名外。下存兵二百餘名。督飭勤加操練。務使器械鮮明。槍箭應手。聞有警報。即可一呼而集。總期近有所攻。退有可守。秦王島地較偏僻。口岸淺窄。且距關三十五里之遙。現有山海路都司雅爾杭阿。帶領綠營兵一百三十名。在彼駐防。若滿營官兵。分布設守。兵勢轉單。不易策應。努熱思至再。合無仰懇

天恩俯准。可否將秦王島酌留滿營瞭望官二員。礮兵二十名。應

即撤回歸營。以備調防。其該處大小礮六位。飭交在彼防堵之山海路都司雅爾杭阿。暫行管帶之處。等未敢擅便。俟。

命下之日。再行遵辦。

諭軍機大臣等。當勒敦奏。度地派兵一摺。據奏。秦王島海口。地臨偏僻。口岸淺窄。距關三十餘里。現有都司駐紮。請將滿洲官兵撤回。仍留礮位。飭交都司管帶等語。該島距關稍遠。綠營官兵。是否足資防堵。設或逆夷由彼登岸。滿洲官兵。能否要截。往助著哈喇阿。會同當勒敦。體察情形。妥議具奏。總期有備無患。毋致臨事周章。是為至要。

壬辰閩浙總督顏伯燾奏逆夷竄入廈門滋擾。經臣於七月十二日據實陳明。並將被占口岸。及現辦情形。於二十一日。續行具奏在案。查該逆於初十日占據廈門之後。船隻來去無定。約計大擔門外。直至十三路口。總有四十隻。內外分泊。經臣飭令興泉永道劉耀椿等。勸諭中後兩路紳民團練一百三十餘鄉。聲勢聯絡。眾志成城。凡有逆夷水陸棲止處。所盡則尋殺無時。夜則亂石向擲。該逆被擾不堪。自知立腳不穩。又面諭該道。督飭印委各員等在馬巷招募壯勇萬餘人。同安新兵三千餘人。復備火攻小船千餘隻。機會既有可圖。不容坐失。即於拜摺後。飛飭該道

受達解理。旋於二十二日接該道來稟。二十日接臣札飭。黃夜派令署同安縣知縣裕祿會同同安營參將劉大彰率帶巡典各員。及團練紳士護守城池。維時提臣竇振彪已至同安。與該道再四熟商。督同署延平協副將雙保。署水師提標中軍參將陳勝元。水師營遊擊受傷未痊之楊靖江。廈防同知顧教忠。沙縣知縣祁之鈺。候補未入流霍明。高分帶新兵五百名。陸提兵四百四十名。馬巷壯勇二千名。由劉五店溝尾兩路。兜至廈門各鄉。並飭平潭同知志奎。准補霞浦縣典史章森。在後殿宮接濟軍糧。署馬巷通判候補知縣劉銘本。在劉五店接應船隻。即以馬巷壯

勇之未渡者。作為後路應援。正擬廿一夜進剿。適據探報。

岸上夷眾聞我兵勇畢集。悉數搬移下船。於二十一日黎

明開去船三十餘隻。未知何向。聲言大隊不日復來。留船

五隻。俟官為給足一千二百萬兩之銀。再行開駛等語。本

欲乘勢攻擊。滅此朝食。以洩眾憤。唯思近水市肆半已被

焚。一經交鋒。將無餘燼。商賈畏戰之心。與鄉民敢戰之情。

兩不相謀。事在兩難。必須斟酌妥辦等情。臣思閩省防堵。

全力注在廈門。此外惟臺灣地大兵多。尚難搖動。他如各

處澳口。皆以兵額有限。不能調防。但以本標之兵。派守本

標之汛。每處或數百人。或百餘人。或數十人。均未能厚集。

兵力。省城雖有五虎門之險。兵單礮少。亦非萬全之計。以
臣愚才力所及。施之於廈門。猝遇大幫夷船。猶以船礮未
備。勢不能支。況在他處。實覺步步堪虞。雖以現在兵勇之
力。擊此未去之船。極易得手。然必聚而殲之。乃無後患。若
既未及使之大創。懼萬一擊動全局。該逆最務報復。儻肆
其貪殘。各處攻打。左支右絀。不堪設想。即使收復廈門。亦
須別作營壘。廣積糧儲。方可據守。若一仍舊貫。賊來仍無
可禦。查逆夷專與官兵為難。絕不與民為仇。一以民眾可
畏。一以圖消貨物。臣反覆思維。祇可督飭在事文武。勸諭
商民。實力圍集兵勇。所有各處礮位。官兵暫行撤後數里。

不與海邊交鋒。俟其登陸。盡力勦殺。堅壁清野。逆夷既無可據持。自不得逞其強暴。如金門海澄。現已行之有效。臣仍集思廣益。共圖後舉。不敢稍執己見。不敢意存推諉。事苟有成。一身利害。皆所不計。

朱本中書命亦廷旨嚴守

顏伯燾又奏。再逆夷徧布漢奸。狡譎異常。來船四十隻內。驟行開去三十餘隻。獨留五隻。其是否設計誑誘。正未可知。現在臣所領舊兵。雖已收回二千餘名。惟甫經挫。萬不可用。新兵新勇。甫應招募。技藝心思。未能深悉。儻少有一挫失。此後更難振作。是以現在廈門停泊五船。祇可聽之。若果多日不動。則開去之船。必已遠駛。一力圖勦五船。自

屬易易。一經收復廈門。晝夜併為守禦之策。似為得力。

諭軍機大臣等。顏伯燾奏逆夷竄離口岸。船隻開去一摺。據稱我兵正擬進剿。賊眾悉數搬移下船。於七月二十一日黎明開去。船三十餘隻。聲言大隊不日復來。留船未開等語。該督機謀不密。致令漢奸漏洩。夷船大半遠颺。總因未加懲創。故逆夷沿海肆掠。要求無厭。惟說謫之性。不可不防。安知非隱匿僻島。懈我軍心。著顏伯燾等督飭文武員弁。加意偵探。一有機會。便當督兵進剿。毋再觀望畏葸。摺內所稱掣動全局等語。殊不成話。至漳泉所募新兵壯勇。現已有萬餘人。不為單薄。該夷既有陸路提督名目。自應豫為準備。俾資攻剿。該督既稱不與海邊交鋒。

則該夷如果登陸。必能痛洗。著即照議。圍集兵勇。埋伏扼要之地。俟其登陸。盡力攻擊。聚而殲旃。儻再空逞大言。不敢動手。致有貽誤。恐該督等不能當此重罪也。懍之。

盛京將軍耆英。兵部侍郎道慶。刑部侍郎成剛。奉天府府尹呈麟。奏竊等。等於八月初二日申刻。承准軍機大臣字寄。道光二十一年七月二十八日奉。

上諭。本日據顏伯燾等馳奏。廈門失守情形。逆夷貪得無厭。現已占據廈門。難保不乘風北駛。擾及沿海各省。盛京為根本重地。尤為緊要。著耆英相度機宜。妥為籌畫。萬一夷船駛至。即激勵將士。同心敵愾。以彰天討等因。欽此。正在籌辦間。又於八月初

三日已刻。承准軍機大臣字寄。道光二十一年七月二十九日奉

上諭。昨因夷船在廈門滋事。當經降旨。飭令耆英嚴加防範。並調吉林兵一千名。交該將軍分撥防堵矣。夷人此次到閩。已有陸路提督偽官名目。恐其招集閩廣漢奸。為登陸交戰之計。現在籌備海防。不可以堵禦口岸。即為無患。當計及登陸後。如何設伏夾攻。兜勦。出其不意。方能制勝。所調吉林黑龍江兵。行至盛京境內。所有夫馬車輛。應豫為籌備。該二省兵二千名。一經直隸調取。即令迅速前往。免致臨時延誤。此項官兵。善於衝突。陸路接仗。是其所長。斷不可派在海口防堵等因。欽此。等先於

七月十九日接奉

廷寄。遵即將金州復州裁撤之官兵練勇。仍照原派名數。立時調集。其餘各海口。將裁撤官兵練勇。減半調撥。嚴飭實力防堵。具摺覆奏。又將新鑄八千斤大礮四尊。分運金州復州各海口。擇要安設。於八月初二日。恭摺奏聞在案。茲復欽奉

諭旨。遵即飛咨熊岳副都統祥厚。錦州副都統和俊。督飭沿海旗民地方官暨委員等。各就水陸應行籌備事宜。據實詳報。仍由等悉心體察情形。如有兵力較單之處。即行酌添兵勇。以資捍衛。並令沿海地方官。一面派撥兵勇。在海口

防堵一面各在本城操演甲兵團練鄉勇。豫備陸路攻擊。
牙者英已在省城挑選前鋒甲兵一千名。每日練習騎射
技藝。並派水師弁兵出洋遠探。僅有夷船駛至信息。牙者
英即親率省兵星馳前往海口。相度機宜。隨時籌辦。並察
看各陸路地勢。酌量安兵設伏。轟擊攻勦。斷不敢稍存大
意。致失機宜。亦不敢先事張皇。驚人觀聽。至現調吉林黑
龍江兵各一千名。牙等已飭令地方官將應用車馬妥為
豫備。查黑龍江兵係由法庫邊門入奉天境。今牙等公同
酌擬一俟黑龍江兵到境。即令前往錦州地方駐紮。既可
以資陸路應援。又可就近控制西路海口。若直隸調取距

關較近。斷不致延誤。並請交錦州副都統祁俊就近彈壓。
牙等仍札飭錦州協領德克錦布知府福忠阿知縣依克
唐阿在於錦州附近地方擇要安置。至吉林官兵向進威
遠堡邊門。必經過奉天省城。伏查前奉

諭旨。吉林兵一千名。交^牙耆英分派防堵。嗣奉

旨。該二省兵二千名。一經直隸調取。即令迅速前往。是該二省官
兵均應備直隸調用。^牙耆英不敢撥往海口。所有吉林兵
一千名。應否在奉天省城附近駐紮。抑或一併前往錦州
聽候調用之處。伏候

諭旨遵行。再該二省官兵行走程站。已飭該地方官照依舊章備

辦飯食草料。以便遠征。至駐紮時。應照例發給鹽菜口糧。覈實報銷。等語。伏查奉天軍需。自上年七月以來。等語。督率在事旗民官員。撙節辦理。陸續支用銀兩。將及十萬兩之多。現又接辦防堵事宜。並辦理過境兵差。所需銀兩。應請仍在船規項下動支。

諭軍機大臣等。本日據耆英等奏遵旨籌防。並豫備吉林黑龍江官兵過境事宜一摺。所有調去吉林兵一千名。著分撥五百名。赴山海關。交哈琅阿富勒敦泰遣用。其五百名。即令前往錦州駐紮。聽候調用。至黑龍江兵一千名。即著該將軍分派省城各要隘。酌量陸路地勢。妥為安設。仍遵前旨。不可派在海口防堵。

是為至要。所需例發鹽菜口糧等項銀兩。准其即在船規項下。動支給發。

甲午。

欽差大臣兩江總督裕謙奏。竊^等前因鎮海定海甯海等縣洋面。各有夷船遊奕。計共八隻。並火輪船一隻。其情叵測。當將備禦情形。於七月二十六日恭摺具奏在案。^等旋又遣人查探定海洋面之夷船。及火輪船。均不知去向。甯海洋面之夷船。已開去二隻。尚存一隻。鎮海洋面有夷船三隻。其餘各處洋面。傳聞不一。尚未探確。七月二十七日鎮海之盛基地方。有夷匪二十餘名。駕坐杉板小船。潛行登岸探

看先經防守穿山等處之副將福禧參將文斌。因離夷船遊奕處所不遠。且係硬灘。易於渡涉。派撥弁兵。在彼埋伏。該處居民亦因。於二月間到浙。即懸有賞格。檢獲白夷一名。賞洋銀二百圓。黑夷一名。賞洋銀一百圓。亦皆圖賞戒備。是以於夷匪登岸後。兵民協力奮勇勦擊。該夷匪猝不及防。無暇抵拒。生擒白黑夷匪各一名。又擊逐受傷落海者數名。餘皆逃回大船。將生擒夷匪派弁押解。內黑夷一名。因被擊過重。行至鎮海城外殞命。其白夷解送到營。當委江蘇候補知府黃冕譯訊。據白夷供名。嗚哩於二十日前。兵頭嘖嘖。令伊船同嗚囉叮。兩船從廣東開行。

來浙以消貨為名。探聽各口防守情形。出入路徑。回去報信。因無船向其買貨。短少淡水食物。登岸搶擄。致被擒獲。嘆喙嗑已往廈門。不知如何打仗。亦不知其何時來浙。並赴天津與否。火輪船並非同幫等情。琴查准粵省咨文。有夷船已起碇由福建浙江直赴天津之語。該逆既為探信而來。火輪船係送信之船。既已來而復去。必係已往廈門送信。據供並非同幫。並不知嘆喙嗑何時來浙。殊不足信。提臣余步雲擬將該逆好為養活。隨時訊問敵情。並作別用。琴當以不斬問謀。雖係行軍成法。但該逆已為擒獲之人。割去左耳。並受重傷。未必即能養活。且即能養活。而言

語不通情形狡詐。現在譯訊供情真假已不可知。安能備訊敵情。致墮其術。若作別用。適足搖惑軍心。廣東之失事。由於各懷兩端。可為前車之鑒。現在廈門又已失守。斷無再持兩端之理。且該逆驕盈已極。斷不能因不誅此逆。遂不來浙滋擾。亦未必因誅此逆。肆逞更甚。不若誅之以堅眾志。才又因該逆前在廣東。有才曾將逆夷剝皮之謠。隨即發令飭委翼長狼山鎮總兵謝朝恩。甯紹台道鹿澤長。將該逆嗚哩。綁出營門。先將兩手大指連兩臂及肩背之皮筋。剝取一條。留作才馬韉。再行凌遲梟示。其黑夷味哈。吻亦即戮取首級。剝皮梟示。俾眾咸知。才有勦無他。以杜

其首鼠兩端之念。察訪兵民。無不踴躍稱快。所有賞項。才已飭糧臺查明照格發給。才正在繕摺間。又據鎮海縣探報。火輪船又在青龍港洋面遊奕。才惟有激勵兵民。格外謹慎。堅壁以待。該逆果來侵犯。務期痛加勦洗。以伸

國威。

諭軍機大臣等。裕謙奏。擒斬登岸逆夷一摺。覽奏均悉。此次所獲逆夷。即時正法。以堅眾志。甚有定見。惟該夷敢於如此猖獗。總因未加懲創。故沿海滋擾。藉端要求。如能處處痛勦。申威使首尾不及相顧。該夷定帖耳懾服。現在廈門留泊兵船五隻。其餘三十餘隻業經開駛。本日據裕謙奏青龍港洋面。又有火輪船

遊奕難保非即廈門開放之船來浙滋擾。著裕謙嚴飭將弁分路防堵。僅有夾船攏近。其勢足以相及。即著併力轟擊。或設伏抄其後路。使無應援。斷不可掉以輕心。失之大意。是為至要。提督余步雲從前效力邊疆。尚無貽誤。於海洋要地。或非所宜。難資得力。該督如於各省提督內。有真知灼見。決其必能殺賊立功。或無論何省總兵各員內。有堪勝海疆重任者。著即據實奏明請旨。候朕酌定。

盛京將軍耆英。兵部侍郎道慶。刑部侍郎成剛。奉天府尹呈麟。奏本年八月初七日。接准靖逆將軍奕山等飛咨內。開七月初十日。據署廣東大鵬協副將賴恩壽稟報。探得

尖沙背夷船於初五日先後開行二十餘隻。從外洋行駛。欲由福建浙江直上天津等語。飛咨一體嚴防等因。等。等。伏思天津為

畿輔重地。防守尤應嚴密。該逆夷雖未必敢直上天津。然既有此風聞。不可不豫為之備。前奉

諭旨。飭調吉林黑龍江兵各一千名。行至盛京境內。所有夫馬車輛。應豫為籌備。一經直隸調取。即令迅速前往等因。欽此。等。等。遵即飭令旗民地方官。將應用夫馬車輛飯食草料。循照向例。妥為豫備。擬請將吉林兵一千名。駐紮奉天省城。黑龍江兵一千名。駐紮錦州。聽候直隸調用。恭摺具奏在案。

今准廣東來咨。該逆夷既有欲上天津之信。現調吉林黑龍江兵原奉

諭旨。本係豫備直隸調用。自應催令即赴直隸防堵。且本年關外。秋雨過多。道路泥淖難行。若俟需用之時。臨期調取。更恐緩不濟急。鄂等公同商酌。不敢拘泥前奏。致滋貽誤。除飛咨吉林黑龍江領兵大員。即按程前進。毋庸停歇外。應請旨飭下直隸總督。轉飭所屬。豫備車馬飯食草料。毋誤兵行。並將該官兵等進關以後。應從何路行走。分撥何處。擬定章程。即行飛咨吉林黑龍江領兵大員。遵照辦理。

者英又奏。查暎逆膽敢肆其鴟張。蔓延滋擾。實為天地所

不容凡屬臣民莫不髮指。今若不謀定後行。刻奏膚功。恐
逆鼓愈熾。尤難掄制。才愚昧之見。惟有整頓。

天兵。籌撥軍餉。尤勤後和。是為切要。至奉天海疆。原係北洋。一經
北風司令。各口船隻漸次南旋。且每屆冬令。除金州屬之
和尚島二三處。尚有駛到商船。其餘各口。並無船隻停泊。
是地勢天時。原與南洋不同。才自上年督辦防堵以來。悉
心體察情形。分兵置礮。似可無虞。疏失。再省城各旗甲兵
五千二百餘名。自上年七月以來。因防堵要緊。隨備選勁
旅千名。才督率各該協領。時加校閱。騎射火器。務使兵知
將意。將悉兵情。可期收指臂之效。其餘各甲兵。亦交各協

領分班教演。儻有應行陸路調防之處。不獨現在揀派勁旅一千名。可以一呼即至。即各協領教演甲兵。亦均在省城。易於調撥。且人人思奮。志切同仇。忠義相勸。爭先奮勉。是奉天海陸各防。洵堪仰慰。

聖懷。

諭軍機大臣等。著英等奏。接到廣東咨會。夷船欲赴天津。請飭吉林黑龍江官兵。徑赴直隸防堵。一摺。逆夷有起破北來之信。天津海口。早經飭令直隸總督等。嚴密防堵。所有調取吉林兵一千名。著仍遵前旨。分撥五百名。赴山海關。五百名往錦州。聽候調用。至黑龍江兵一千名。仍著該將軍分派各要隘防堵。俟該

夷豕突而來。如果登陸。即痛加勦洗。儻逆船駛近海濱。或誘之上岸。盡力攻擊。聚而殲旃。盛京為根本重地。該將軍等務當加意偵探。相機妥辦。不可稍有疏虞。至另片奏於小天省城各旗甲兵內。挑選勁旅千名。以備陸路調撥等語。亦著照所議辦理。

又

諭本日玉明。由天津回京。朕召見垂詢一切。所有訥爾經額善備防堵事宜。頗為周密。其礮位之前。設立標桿取準。此法甚好。然礮體甚重。遠近低昂。亦當確有把握方好。著該督悉心比較演試。務期均能命中。方稱得力。至北塘地方。人煙稠密。儻該夷倉猝而來。總須豫為準備。或可誘之登陸。伏兵四發。聚而殲旃。不

至臨事周章。是為至要。

丙申。

欽差都統哈琅阿。山海關副都統富勒敦泰奏。竊。牙哈琅阿。於八月十一日寅刻。在撫甯縣屬深河行次。承准軍機大臣字寄。道光二十一年八月初九日奉

上諭。富勒敦泰奏。度地派兵一摺。著哈琅阿。會同富勒敦泰體察情形。妥議具奏等因。欽此。牙哈琅阿抵關後。遵即會同富勒敦泰體察情形。查得山海關為

畿東扼要。北連大山。南濱巨海。城內關廂。居民稠密。而關城牆址。間有殘缺。石河海口。距城八里。相去亦屬不遠。關城

駐紮甲兵八百名。除調赴石河口。並分布長邊一帶。南北水關。西門四堆。關門九門。鎮城缺口。及各項差使。約需兵五百餘名外。存兵無幾。護城似覺單薄。若復分兵設守。勢甚空虛。秦王島海口。地臨偏僻。口岸淺窄。現有都司雅爾杭阿。帶領綠營兵一百三十名。在彼瞭望。警報一刻能通。兵丁器械。早為妥備。聞信往助。尚可濟急。惟秦王島駐紮綠營兵一百三十名。兵力亦覺稍單。容等再行籌度外。合無仰懇

天恩。將秦王島留駐滿營瞭望官二員。甲兵二十名。一併撤回城內。以資防護。關城仍留礮位。飭交綠營官兵管帶。至秦王

島石河口兩處。現駐綠營防兵。及海岸可以登陸之處。再由努哈浪阿。詳加籌畫。另行具奏。總期有備無患。不致臨事周章。以仰副

聖主靖逆安民之至意。

諭軍機大臣等。哈浪阿等奏酌撤官兵防護關城一摺。秦王島留駐滿洲營官二員。甲兵二十名。著准其撤回城內。以資防護。據奏該島駐紮綠營兵一百三十名。兵力稍單。本日已據訥爾經額奏添調提標鎮協等兵一千名。赴關聽調。著哈浪阿等分撥防守。前有旨令耆英撥吉林兵五百名。赴山海關聽調。計到關尚需時日。直隸所撥各兵。應令暫留防堵。俟吉林兵到。即行知

照訥爾經額令其酌撤數百名。另行撥派。將此諭知哈琅阿。並
富勒敦奉知之。

直隸總督訥爾經額奏。竊臣於本月初八日。承准軍機大
臣字寄。道光二十一年八月初七日。奉

上諭。據裕謙奏。浙江洋面青龍港大佛頭等處。報有夷船八隻。又
火輪船一隻。著督飭各屬。勤加偵探。遇有夷船駛進口岸。一面
奏聞。一面相機勦辦等因。欽此。又本月初九日。承准軍機大臣
字寄。道光二十一年八月初八日。奉

上諭。本日據訥爾經額奏。豫籌防堵情形。一摺。所議尚屬周妥。即
著照議辦理。惟所調黑龍江兵一千名。一時未即能到。山海關

兵力尚單。恐其不敷。調遣著訥爾經額體察情形。如有應調官兵。先行分布防守之處。一面奏聞。一面派撥。毋誤事機等因。欽此。臣查浙江既有夷船遊奕。難保不分頭竄擾。正須刻刻嚴防。天津大沽海口。前調各兵。現已陸續到防。各處大小海口。可以登岸之處。皆已分派官弁。察看形勢險易。酌定安兵多寡。添設巡籤馬撥。晝夜輪流。往來傳報。備有夷匪登岸。一時聲息可通。即行協力防剿。至北塘地方。臣於初七日會同。

欽差都統玉明。前往查看一切設伏策應事宜。與大沽南北兩岸。同一豫備周妥。該處所設新舊大礮。亦俱逐一演試。均屬

整齊。惟山海關地方。現祇存兵一千二百名。黑龍江兵道
路較遠。一時未能即到。誠如

聖諭。兵力尚單。茲復添調提標兵三百名。宣化鎮標兵三百名。並
將前調之三屯協兵四百名。共一千名。派赴山海關。聽候
欽差都統哈琅阿分撥防守。臣職司守土。惟有督飭鎮將。加意偵
探。如有夷船進口。一面奏

聞。一面相機勦辦。斷不敢稍有疏懈。

訥爾經額又奏。臣接准

盛京將軍耆英咨會。現經奏明黑龍江兵到境。擬令駐紮錦
州。既可以資陸路應援。又可控制西路海口。若直隸調取。

距關較近。不致延誤等情。臣查黑龍江兵一千名。業經奏明調赴山海關協防在案。現計山海關前存續調添調兵丁。已有二千二百名。防海防陸。可敷派撥。所有黑龍江官兵。此時似可在於錦州駐紮。以為犄角之勢。於奉天直隸兩有裨益。山海關距錦州不遠。設有夷船駛至。臨時即由欽差都統哈琅阿察看情形。就近調取。接應各路。亦屬便捷。

諭軍機大臣等。訥爾經額奏添調防守弁兵一摺。前有旨諭知者。英將吉林兵一千名。分撥五百名赴山海關。五百名往錦州聽調。其黑龍江兵一千名。令該將軍分派各要隘防堵。茲據訥爾經額奏添調提標兵三百名。宣化鎮標兵三百名。三屯協兵四

百名。派赴山海關聽調。並另片請將黑龍江兵駐紮錦州等語。自係未知已有分撥吉林兵之旨。著該督俟吉林兵五百名到山海關後。即將此次添調之兵酌撤六七百名。改撥別處要隘防堵。所請將黑龍江兵駐紮錦州之處。著毋庸議。